

Chopi - Moya Yimbi Mibhalo - SW Intro Scriptures

Luka 17:5 Vapostoli va wombile ka Mkoma va txi khona: “Hi engetele likholo!”
VaRoma 10:17 Kha ditshuri, kukholwa kuta ngu kuengisa ti ti txumayelwako,
kutxhumayela ngu kuzivisa dipswi da Kristu.

Luka 11:1 Kutingako Jesu a txi khongela ka wukhalo wo kari, txikhati txi a nga
gwita, mmweyo ka vagondiswa vakwe a to mu kombela a txi khene:
“Mkoma, hi gondise kuhongela, nga Johane nene a nga gondisa
vagondiswa vakwe.”

1 Timoti 2:1-4 Txo khata ka sotshelele, ni leletela ti to ku na mahwe
mikombelo, kukhozela, kukhongela ni kubonga ngu votshe vathu: 2 ngu
vakoma ni votshe vale va fumako, ti to hi txi mana kuhanya ngu kurula ni
kuzumbiseka ngu wunene ni wululamo. 3 Atiya ndinene, futsi kambe ta
tsakisa masoni ka Txizimu, Muhanyisi wathu, 4 a navelako ti to votshe
vathu ve mana kuhanyiswa ni kuziva ditshuri.

Luka 22:31 “Simoni, Simoni, wona: Sathane a kombete ku mi hehera nga kule
ka fulaho.

Zakariya 3:1,2 - Judha 1:9 Kambe ngelozi ya hombe Migeli, mbimo yi a nga txi
kanetisana ni Sathane ngu mhaka ya txirumbi txa Mosi, kha tsana
kuwomba dipswi da ku m'ruga, aniko a to gumela kuwomba, a txi: “Mkoma
a na ku kawuke!”

VaEfesu 6:12 Ngukusa athu kha hi lwi ni vathu va ha mafuni hawa, aniko hi
lwa ni mimoya yo biha yi ku txitimwi mpfhukani. Hi lwa ni tinduna, ni vafumi
ni vakoma va va fumako ka ditiko diya da txidema.

VaEfesu 6:10,11 Ngu kugwitisa, zumbani mi di tsani tatinene ka Mkoma, ni ka
mtamo wakwe wu si tandwiko ngu txilo. 11 Ti vhikeleni ngu matxhari a
Txizimu, kasiku mi si kota kuxula siduko sa Sathane.

VaEfesu 6:13-17 Ngu toneto, xomani sivhikelo ni matxhari otshe a Txizimu,
kufela ku mi si kota kubamba ka ditshiku do biha, se msana ka kuva mi di ti
lulamisete, mi na si kota kutserama. 14 Emekani ngu kutsana. Sungani
siwunu ngu ditshuri, di txi maha libhande lanu. Ambalani kululama ku txi
maha txivhikelo txa khana yanu. 15 Mi txi ambala tikathula mikondoni
kwanu, kasi kuya txumayela Evhangeli ya kudikha. 16 Ngutungutu tekani
txitxavangu txa likholo, i ku txi mi no vhika ngu txona siholoma sa mndilo
sa m'bihi. 17 Amukelani kuhanyiswa ku txi maha txidgoko txanu ha
msungo, se dipswi da Txizimu di txi maha ditxhari danu da Moya.

Hebheru 4:12 Dipswi da Txizimu da hanya, di ni mtamo. Da hindu kupinda
ditxhari do lotwa ka otshe matshelo, dona da milela mndani, kala kuya

abanisa mmidi ni moya, kala kuya thola matshanganoni ka marambo ni mndani ka wuluvi, di ya tumbula mialakanyo ni makungo a mbilu.

Luka 4:8 Jesu a mu xamute a txi khene: “Ti bhatwe ti taku: ‘U na kholzela Mkoma Txizimu txako, u txi thumela txona, dwe.’ ”

VaEfesu 6:18 Mahani totshelele tiya na mi txi khongela, mi txi kombela kuvhunwa ngu Txizimu. Khongelani yotshe mbimo, nga ti Moya wu mi leletisako tona. Ngu konaho, zumbani mi di ti lulamise, mi txi khongela mi si karali, mi txi kombelela vasawuleki votshe va Txizimu.

1 Samueli 17:45-47 - David & Goliath

Luka 10:17-20 Avale va mtshanu wa makumi ni makumi mambidi ni vagondiswa vambidi, va to wuya va txi tsaka, va txi khona: “Mkoma, hambi mimoya yo biha yi ti hi thava ngu mhaka ya ditina dako.” 18 Ene a to va gela ku khene: “Ani ni woni Sathane a txi wa nga kukeluka ka nzuma. 19 Wonani, ni mi ningile mtamo wa kukanda timamba, tihume, ni kuxula wotshe wurena wa Mlala, ku walo txilo txi no si kota ku mi mahela to biha. 20 Kambe, mi nga tsakeni ngu kuva mimoya yi mi thava, aniko tsakani ngukusa matina anu ma bhatwe nzuman.”

2 VaKorinto 10:3-5 Hakunene hi hanya ha mafuni, kambe yimbi yi hi Iwako yona, hi nga ya kulwela sa ha mafuni. 4 Ngukusa, matxhari awa hi Iwako ngu ona hi nga a kuthumiswa ngu vathu, aniko mtamo wa ona wu ta ngu ka Txizimu. Athu ha hasamula makungo a mipalavanya; 5 ni wotshe mtamo wa ku ti kulisa wu wu Iwako ni kuziva ka Txizimu. Ha kholzisa mialakanyo yotshe yi txi maha ya kuengisa Kristu.

2 Timoti 1:7 Nguko Txizimu kha txa hi ninga moya wa dizowa, aniko txi hi ningile moya wa mtamo, ni wa lirando ni ku ti pimela.

Matewu 12:28,29 Aniko ngako ni txi tovela madhimoni ngu Moya wa Txizimu, kha ditshuri Mfumo wa Txizimu wu hokile kwanu. 29 Mthu a nga wulelisa ku txani nyumbani ka ndena, e tekela simaha sa yona, a sa thanga ngu ku yi sunga kani? Ngu kona a no si kota kutekela sotshe nyumbani.

VaEfesu 1:13 Nananu, ngaku mi nga engisa dipswi da ditshuri, i ku Evhangeli ya kuhanyiswa kwanu, ngaku mi nga kholwa ka dona dipswi dile, mi bhatwe ngu txixambanyo txa Moya wo Sawuleka, wu nga ti thembisilwe,

Mithumo Ya Vapost 19:6 Se mbimo yi Paulo a nga va sanzeka manza, Moya wo Sawuleka wu to txhika txitimwi kwawe, se vona ve khata kuwombawomba tidimi ni kuprofeta.

Marko - Marku 16:15-18 Ene a to va gela a txi khene: “Tsimbilani ngu ka dotshe ditiko, mi txi txhumayela Evhangeli ka sotshe sivangwa. 16 Awu a no kholwa, a txi bhabhatiswa, a na huluka; awu a no mbi kholwa, a na abaniswa. 17 Sidiwukiso si si no mahwa ngu va va no kholwa ngu siya: va na tovela madhimoni ngu ditina dangu, va na wombawomba tidimi ta

tiphy;a; 18 va na ñola minyoka ngu manza, se hambi va txi sela sa txhefu, kha si na mbi va wusela phango; va na sanzeka manza ka valwali, ve kalamuka.”

1 Johane 1:9 Ngako hi txi ti tshanza siwonho sathu, Txizimu txi thembekile ni kululama, kasiku txi hi divalela siwonho sathu ni ku hi basisa ka wotshe wubihi.

MaSalimo 109:17 - Jakobe 3:10 Ngu toneto, txisofuni kumweko ku huma ku katekisa ni kuruka. Vanathu, atiya kha ti faneli kumaheka.

Valamuli 16:16 - 2 Pedro 2:7,8 Kambe Txizimu txi ponisile Loti, i nga ti mthu wo lulama, awu a nga txi xaniseka ngu mhaka ya wubihi wa vathu vale vo xanga. 8 Mthu wuwa wo lulama, ngukuva a txi hanya hagari ka vabihi, a titi xaniseka mndani ka mbilu yakwe ya txithavo, ngu mhaka ya wubihi wuwa, ditshiku ni ditshiku, a nga txi wu wona ni ku wu engisa.

VaEfesu 4:26 Ngako mi txi henya, mi nga wonheni; ditambo di nga swe mi di ngadi henyle.

VaRoma 14:12 Ngu toneto, mmweyo ni mmweyo wathu a na ya ti xamulela masoni ka Txizimu.

1 Johane 2:23 Wuhi ni wuhi a lambako Mwanana, Tate kha nga ni nene: awu a fakazelako Mwanana, ni Tate wa ho kwakwe.

Johane 14:6 Jesu a to mu gela a txi khene: “Ani ngani Nzila, Ditshuri ni Wutomi. Kha nga ho awule a tako ka Tata, i singa ngu ngani.

Matewu 11:28-30 Ngonani kwangu, motshenu mi nga karala, mi nemelwako ngu mrwalo, ani ni na mi humuta. 29 Tekani mpakato wangu, mi txi gonda ngu ngani, ani ni ku wo thutha ni wa mbilu ya ku ti veka hahatshi, mi na mana kuhumula mihefemuloni kwanu. 30 Nguko mpakato wu ni mi ningako wa hehuka, ani mrwalo wa kona wa rwaleka.”

2 VaKorinto 6:2 Nguko, txona txi womba tiya: Ni ku engisile ngu mbimo ya yinene, kambe ni ku vhuni ngu ditshiku da kuhanyiswa. Ayiya ngu yona mbimo ya yinene, adiya ngu dona ditshiku da kuhanyiswa.

VaRoma 10:13 Nguko wuhi ni wuhi a khazelako ditinani ka Mkoma a na hanyiswa.

Exodus 20:5 - sin cursed to 3 & 4 generations